

Psephorum hanc et Completissimam Thesaurum omnium  
 formâ in quoto ~~editum~~ in Facultate Medica  
 Pontifici editatum,

Et in quinque volumini bus nitide colligatum,  
 Bibliothecae publicae vobis destinatum

Citramentum Dedit,

nec non hanc erga Facultatem venerationis et observantiae  
 Monumentum,

Hyacinthus Theodorus Baron antiquus Facultatis  
 Decanus:

M. Hyacintho Theodoro <sup>Baron</sup> ejus filio anno 1723.

2322  
1674



# THESES

tam Quodlibetaria quam  
Cardinalitia in scholis  
saluberrima Facultatis  
Medicina Parisiensis  
propugnata.

---

*A* die Jovis 30. Januarii 1697. ad  
diem Jovis 4. Januarii anni 1674.


---

*Cura & Studio M. Hyacinti  
Theodori BARON D.M.P.  
in ordinem digesta.*

---

ANNO DOMINI  
M.D.CC.XIII.





BVLÆ METHODI GENERALIS  
 urndorum morborum, quæ septem sectionibus explicantur,

2322

A VIRO CLARISSIMO  
**M. RENATO MOREAV,**

SALVBERRIMÆ FACVLTATIS  
 MEDICINÆ PARISIENSIS DOCTORE  
 celeberrimo, & Professore Regio, in gratiam  
 & vtilitatem *φινικτω* exarata.

*TABVLA PRIMA.*



ΕΡΑΠΕΤΤΙΚΗ, morborum curatio, aut est generalis, aut particularis.

Generalis, quæ consistit in vniuersalibus quibusdam præceptis atque Theorematis curandi morbos.

Particularis, quæ generali illa ad singulos quosque & particulares morbos singularum partium depellendos vtitur, vulgoque Praxis Medica appellatur.

Generalis diuiditur in *Μεθοδικὴν* & *Τεχνικὴν*, quæ vtitur Methodo & Arte, & *Λυσιδον* & *Απυρον*.

*Μεθοδικὴ* & *Τεχνικὴ* duæ sunt partes, *πνευματικὴ* & *δογματικὴ*, & *πνευματικὴ* & *πρακτικὴ*. *Πνευματικὴ* & *δογματικὴ*, realis & doctrinalis, quæ expendit & examinat doctrinam generalem Methodi, traditque eius præcepta ac fundamenta. Atque sic explicat eius generalis Methodi

Naturam & Instrumentum.

**N**aturam, quæ in tribus consistit, videlicet in eius Methodi Definitione, Divisione, Fine ac Vsu.

Definitione,

Nominali & Essentiali.

Nominali, siue dicitur Hippocrati,

ἀλλὰ καὶ τῶν ὁρίστων ἐκόντων Δοκιμασία, ἢ τῶν ἐκόντων ἡ  
 quâ quæ rectè se habent, exploramus, quæ vērè ὁρίσται  
 hendimus.

Medicis, Hippocrate posterioribus, Μίθωδος à μετὰ & ἰσθός,  
 velut coniuncta & contracta via, aut ars per eiusmodi breuiate  
 tradita.

Essentiali, sicque definitur à Medicis Methodicis:

Cognitio apparentium communitatum, quæ ad Medicinæ fi-  
 nem spectant aut conspirant.

Dogmaticis, via cum ratione atque ordine procedendi à pri-  
 mo ad secundum, à secundo ad tertium, & sic deinceps ad omnia  
 quæ consequuntur, donec ad id quod propositum est, pervenia-  
 tur. Vno verbo, recta & conueniens remediorum vsurpatio.

Divisione, quæ nulla vera & genuina existit. Solet tamen diui-  
 di à nonnullis in

Vniuersalem & particularem. Illa omnium particularium est  
 cōmunis: hæc, tam varia est quàm variæ sunt morborum species.

Genericam & Specificam, quæ cum superioribus dictis coa-  
 veniunt.

Simplicem & compositam, quarum prior curat morbum soli-  
 tarium separatim à causa sua, aut ab aliis affectibus. Posterior  
 verò curat morbum aut cum causa sua coniunctum, aut aliis affe-  
 ctibus sociatum.

Legitimam & extraordinariam. Illa præcipit, vt quod alteri  
 occasionem præbuit, priori loco tollatur. Hæc in affectuum con-  
 nexione vrgentiori primùm occurrit.

Artificialem & inartificialem, quarum illa vera est methodus.  
 Hæc extra artem est, ac proinde nullum hîc habet locum.

Fine ac Vsu, qui est duplex, internus & externus. Internus, re-  
 medij inventio. Inuenti remedij debita vsurpatio. Externus,  
 sanitatis recuperatio.

**I**nstrumentum, quo vtitur ad finem suum consequendum, vo-  
 caturque ἰσθία, id est, inditatio. Quæ spectatur in se, & in  
 suis partibus. In se, idque vel absolutè, & comparatè.

Absolutè, trifariam scilicet, penes eius definitionem, diuisionem  
 & proprietatem.

Definitionem, nominis & rei.

Nominis, & sic Galeno dicitur, Ἐπιστήμη, ὅτιν ἐμμελεῖ τῆς ἀνολοθίας.

is, seu agendi insinuat.

*Indicatio*, sicque definitur, Significatio eius quod fieri in singulis rebus debet, sumpta ex propria cuiusque rei natura.

Divisionem, hoc modo dividitur in propriè dictam, & impropriè dictam.

Propriè dictam, quæ quidem est vel primaria, vel secundaria.

Primaria, quæ primò & per se aliquid agendum insinuat. Estque duplex, *ζωτική* seu vitalis, & *θεραπευτική* seu curatrix.

*ζωτική* seu vitalis, quæ virium robur conseruat per similia. Indicat enim sui custodiam, hoc est vitæ conseruationem. Monet autem Galenus hanc indicationem, licet primò & per se non pertineat ad curationem morborum, sed ad eam Medicinæ partem quæ sanitatem tuetur, per accidens tamen inferuire curatrici parti, quatenus aliquod præsidium administrandum suadet, vel ab eo administrando dehortatur.

*θεραπευτική* seu curatrix, quæ triplex, prima, secunda & tertia.

Prima, quæ indicat ablationem per contraria, petiturque ab affectu contra naturam, morbo, causa morbi, & symptomate.

Morbo, qui expelli debet per contraria.

Causa morbi, quæ auerti debet per prophylactica.

Symptomate, cui debentur mitigatoria.

Secunda, quæ insinuat an id quò tendimus, & prima indicatio postulat, sperari possit, petiturque ex affectu partis.

Substantia, temperie, actione, usu, situ.

Tertia quæ insinuat nobis remedia, quibus assequi possimus id quò tendimus, id est quod prima indicatio postulat, & secunda præstari posse declarat. Petitur à remedio, videlicet ab eius qualitate, quantitate, vtendi ratione, occasione.

Secundaria, *συνεισδύσις*, coindicatio, quæ consentit cum indicatione, idemque cum ipsa suadet, sed secundariò tantum. Petitur autem à temperamento, ætate, habitu, sexu, aëris constitutione, consuetudine.

Impropriè dictam, quæ quidem est duplex, videlicet *αντίδυσξις* & *συαντίδυσξις*.

*Αντίδυσξις*, contraindicatio seu repugnantia, quæ ex se & ex Natura sua nos revocat ab eo, quod indicationes propriè dictæ agendum insinuabant, contrarium planè suadens: petiturque à Virium infirmitate.

*Συναντίδυσξις*, Correpugnantia, quæ contraíndicationi eodem



modo fauet, quo indicationi coindicatio. Proinde peti-  
dem, nempe

Temperamento, Ætate, Habitu, Sexu, Aëris constitutione,  
Consuetudine.

Proprietatem, quæ triplex, Prima, Secunda, Tertia.

Prima, est quod indicatio ex rei natura sumatur.

Secunda, quod vnus rei vna sit indicatio.

Tertia, quod indicatio sit rerum quæ sunt intra corpus.

Comparatè, conferendo indicationes inter se, An sint Æqua-  
les, Impares.

Æquales, quo casu indicans quod magis vrget, est sequèdum.

Impares: Numero, Magnitudine. Quo casu indicantia po-  
tiora & validiora sunt sequenda, aliis tamen non neglectis.

Indicans, quod cum sit eiusdem conditionis cum indicatione,  
habere debet easdem diuisiones. Consideratur ergo vel absolu-  
tè, vel comparatè.

Absolutè, considerando vires & proprietates cuiusque indicatis.  
Sicque dicitur propriè & impropriè.

Propriè, estque primarium, vel secundarium.

primarium, quod primò & per se aliquid agendum insinuat. Di-  
viditurque in indicans vitale, & curatiuum.

Vitale, tale autem est virium robur, quod sui conseruationem  
indicat per similia.

Curatiuum, primum, secundum, tertium.

Primum, estque affectus contra naturam,

Morbus, Morbi Causa, Symptoma.

Secundum, est pars affecta, in qua spectatur

Substantia, Temperies, Actio, Vfus, Situs.

Tertium, est remedij delectus. In quo spectatur

Qualitas, Quantitas, Vtendi modus, Occasio seu Tem-  
pestiuitas.

Secundarium, coindicans dictum, estq; sextuplex, nempe

Temperamentum, ætas, habitus, sexus, aëris constitutio,  
consuetudo.

Impropriè, estque duplex, contraindicans & correpugnans.

Contraindicans, virium nempe infirmitas.

Correpugnans, estque sextuplex,

Temperamentum, ætas, habitus, sexus, aëris constitutio,  
consuetudo.

5

Comparatè, sicque indicans vnum alteri collatum, pugnat viribus, paribus & imparibus.

Paribus, quo casu indicans magis vrgens est sequendum.

Imparibus, numero, magnitudine. Quo casu indicantia, potiora, & validiora sunt sequenda, alijs tamen non neglectis.

Indicatum, quod consideratur bifariam, generaliter, specialiter.

Generaliter, quatenus expendit facultates præsidiorum omnium, nullâ habitâ ratione, an sint Chirurgica, Pharmaceutica, aut Diætetica. Sicque præsidium inducit vel *αλλοίωσις*, vel *κενωση*.

*Αλλοίωσις*, alterationem, hoc est, quamlibet immutationem penes qualitates. Talis autem immutatio est quadruplex, alteratio, præparatio, coctio, corroboratio.

Alteratio speciatim dicta, quæ est immutatio primarum qualitatum seu intemperierum tam simplicium quàm compositarum per contrarias qualitates.

Præparatio humorum, quæ est correctio qualitatum seu dispositionum tum corporis, tum humorum quæ purgationi obstant.

Coctio seu pepasmus, quæ est mitificatio ac velut maturatio crudorum humorum, quo secretionem factâ aptiores reddantur ad evacuationem.

Corroboratio & *κρτισις*, restitutio videlicet virium per morbum deperditarum, earumque ad naturalem statum revocatio.

*Κενωση*, quæ est vasorum quælibet vacuatio tam sensibilis quàm insensibilis, in qua tria consideranda veniunt,

Definitio, Divisio, Officium.

Definitio, estque inanitio corporis, ope remediorum facta, depellendis morbis.

Divisio, in vniuersalem, particularem, sensibilem, insensibilem. Hæ omnes sunt trifariam, primò, secundò, tertio.

Primò, qua parte humores repunt.

Secundò, quò humores viam affectant.

Tertio, per loca commoda & conferentia.

Officium, quod est triplex, Evacuatio, Revulsio, Derivatio.

Evacuatio simplex, quæ fit ad humoris copiâ vel qualitate luxuriantis imminutionem. In qua quidem spectatur

Inclinatio humoris, Viarum commoditas.

Revulsio, quæ est humoris fluentis, in contrariam partem tractio. In ea spectantur

Loci contrarietas. Rectitudo. Vasorum communio.



Derivatio, quæ est humoris partim fluentis, partim consistentis, per vicinam & proximam partemeductio. In illa consideratur partis vicinia.

Specialiter, sicque præsidium omne est triplex, Chirurgicum, Pharmaceuticum, Diæticum.

Παραδειγματικὴ ἢ Παρακτικὴ, exemplaris & operatrix, quæ exponit rationem curandorum morborum per summa genera, morbi scilicet similis, organici, communis.

Similaris, immaterialis & materialis.

Immaterialis, simplicis & compositi.

Materialis, simplicis & compositi.

Organici penes conformationem, numerum, magnitudinem, situm.

Communis, ratione tumorum contra naturam, vulnere, ulcerum, fracturarum & luxationum.

Αὐθόρμη ἢ ἀπύρνη, estque duplex, supernaturalis & naturalis.

Supernaturalis, quæ causam naturalem non agnoscit. Estque divina & dæmoniaca.

Divina, quæ fit immediatè, vel mediatè.

Immediatè, à Deo.

Mediatè ab Angelis, Sanctis, (per miracula.)

Dæmoniaca. Estque vel diabolica, vel simpliciter superstitiosa.

Diabolica, quæ fit immediatè, vel mediatè.

Immediatè, à cacodæmone.


Mediatè, à magis, sagis (per incantamenta.)

Simpliciter superstitiosa, per Astrologiam, magnetismum.

Naturalis, quæ causam naturalem habet; fitque vel quodam artificio, vel casu.

Quodam artificio, sed incerto, per experientiam Empiricorum, Analogismum Methodicorum, Inventum πρᾶξις prudentium hominum.

Casu & simpliciter fortuita dicitur.



## SECUNDA TABULA.

**T**OTUM istud opus Therapeuticum dividitur à nobis in sectiones septem, quarum

Prima, continebit Methodum generalem, Dogmaticam & Doctrinalem de Indicatione, & Indicantibus.

Secunda, tractabit de Indicatis, hoc est de præsijs generaliter sumptis.

Tertia, ex præsijs specialiter sumptis exponet Chirurgica.

Quarta, ex iisdem præsijs explicabit pharmaceutica.

Quinta, ex iisdem præsijs pertractabit Diætetica ad ægros pertinentia.

Sexta, Methodum medendi exemplarem complectitur circa morbum similem, organicum, & communem.

Septima, curationem medendi *artificialis* & inartificialem exhibebit.

PARISIIS,

Prostant Exemplaria apud NICOLAVM BOISSET, Typographum,  
in Platea Malbertina, ad insigne D. Stephani.

M. DC. XLVII.

1647



*LECTORI BENEVOLO.*

Erratum non leve quod infeliciter irrepsit, sic restitutum habeto.

Paginâ quartâ, inter 13. & 14. lin. ista verba à capite adiicito.  
In suis Partibus: Sunt autem dux, Indicans, & Indicatum.